

Na osnovu člana 36. i člana 110. stav 1. Statuta općine Gornji Vakuf – Uskoplje ("Službeni glasnik općine Gornji Vakuf–Uskoplje", broj: 1/01 i 3/05) i člana 89. Poslovnika o radu Općinskog vijeća Gornji Vakuf – Uskoplje ("Službeni glasnik općine Gornji Vakuf–Uskoplje", br. 7/13 ), Općinsko vijeće Gornji Vakuf-Uskoplje na svojoj 6. redovnoj sjednici održanoj dana 06.07.2017. godine, d o n i j e l o j e :

## **O D L U K U**

### **O izmjenama i dopunama Odluke o naknadama vijećnicima i članovima stalnih i povremenih radnih tijela Općinskog vijeća Gornji Vakuf – Uskoplje**

#### **Član 1.**

Stav 2. Člana 2. Odluke o naknadama vijećnicima i članovima stalnih i povremenih radnih tijela Općinskog vijeća Gornji Vakuf-Uskoplje («Službeni glasnik Općine Gornji Vakuf-Uskoplje», br. 6/09 i 5/11), mijenja se i glasi:

*«Iznos paušala umanjuje se za 10% za svako neopravdano odsustvovanje vijećnika sa sjednice Općinskog vijeća ili radnog tijela čiji je član. Vijećnik, ukoliko želi pravdati izostanak, dužan je dostaviti pismeno izjašnjenje o razlozima odsustva sa sjednice Općinskog vijeća ili radnog tijela čiji je član, Administrativnoj komisiji Općinskog vijeća koja će na osnovu pismenog izjašnjenja vijećnika donijeti odluku o opravdanosti ili neopravdanosti odsutnosti vijećnika sa sjednice Općinskog vijeća ili radnog tijela čiji je član.»*

#### **Član 2.**

Ova Odluka stupa na snagu osmog dana od dana objavljivanja u «Službenom glasniku općine Gornji Vakuf–Uskoplje.

Broj:01-14- /17  
Gornji Vakuf – Uskoplje  
\_\_\_\_\_2017.godine

Predsjednik  
Općinskog vijeća  
Goran Batinić, mag.nov.

## **O b r a z l o ž e n j e**

Pravni osnov za donošenje ove Odluke sadržan je u članu 36. i 110. stav 1. Statuta Općine Gornji Vakuf-Uskoplje („Službeni glasnik Općine Gornji Vakuf-Uskoplje“, br. 1/01 i 3/05) i članu 16. Poslovnika o radu Općinskog vijeća Gornji Vakuf-Uskoplje („Službeni glasnik Općine Gornji Vakuf-Uskoplje“, br. 7/13).

Razlog za predlaganje i donošenje ove Odluke jeste usklađivanje postojeće Odluke o naknadama vijećnicima i članovima stalnih i povremenih radnih tijela Općinskog vijeća Gornji Vakuf-Uskoplje („Službeni glasnik Općine Gornji Vakuf-Uskoplje“, br. 6/09 i 5/11) sa članom 4. Zakona o izmjenama i dopunama Zakona o plaćama i naknadama u organima vlasti Federacije BiH („Službene novine Federacije BiH“, br. 20/17) a koji se odnosi na slijedeće *„Iznos paušala umanjuje se za 10% za neopravdano odsustvovanje sa sjednice doma ili radnog tijela čiji je član.“*, a rješenje prije donošenja ovog zakona odnosilo se na odbitke za svako odsustvovanje sa sjednice, bez obzira na opravdanost odsustva.

Obzirom da se predmetni zakon primjenjuje na sva primanja u okviru organa vlasti Općine Gornji Vakuf-Uskoplje, Administrativna komisija je na svojoj sjednici održanoj 25.05.2017.godine utvrdila prijedlog Odluke o izmjenama i dopuna Odluke o naknadama vijećnicima i članovima stalnih i povremenih radnih tijela Općinskog vijeća Gornji Vakuf-Uskoplje, uvažavajući odredbe predmetnog zakona i predlaže Općinskom vijeću Gornji Vakuf-Uskoplje da ga usvoji po skraćenom postupku.

Za provođenje ove Odluke nisu potrebna nikakva dodatna sredstva iz Budžeta Općine Gornji Vakuf-Uskoplje.